



N°524
Entrée le 25.03.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 25.03.2024
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 22/03/2024

Här President,

Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministère fir Energie & Ëmwelt, Klima an Biodiversitéit weiderzeleeden.

An der Äntwert op d'parlamentaresch Fro vun de Piraten (n°135) hat d'Regierung erkläert, dass Lëtzebuerg a sengem Stroumix, dee mir am Ausland kafen, och Atomstroum matkeeft. Den nationale Stroummix hat deemno 2018 nach zu 10,4% aus Atomstroum bestanen.

Eng Motioun vun eis fir een Enn vum Atomstroum an eisem Stroummix vum Abrëll 2021 war an déi zoustänneg Chamberskommissioun verwise ginn, wou den deemolege Energieminister erkläert huet, dass d'Regierung een anere Wee wéilt goen.

Den 21te Mäerz huet den Premier um Atomenergie-Sommet erkläert, dass dës Regierung wéilt, datt weider an d'Entwécklung vun der Atomenergie investéiert gëtt an déi nuklear Fuerschung misst ënnerstëtzt ginn, och mat EU-Gelder.

An deem Zesummenhang wéilt mir de Ministeren dës Froe stellen:

1. Wéi huet sech den "mix résiduel" an deene leschte 5 Joer entwéckelt?
Kann de Minister hei Zuelen opgeschlësst no Energiesource a Prozenter nennen?
2. Ass dës Regierung oppen, fir an Zukunft méi Atomstroum anzekafen?
Akzeptéiert dës Regierung, wann an Zukunft méi Atomstroum an eisem Stroummix wäert landen?
3. Ass dës nei Regierung net méi der Meenung vun hirer Virgänger-Regierung, datt Investissementer an Atomenergie dofir suergen, datt manner Geld un déi richteg nohalteg Energië fléiss, ewéi d'Solar- an d'Wandenergie?
4. Eisen Informatiounen no waren och Verrieder vun der Banque européenne de l'investissement um Atomenergie-Sommet. Ass d'Regierung der Meenung, dass d'BEI sollt an Atom-Projeten investéieren? Wa jo, géif d'BEI dee Moment méi Geld kréien oder géifen aner Projeten dofir fale gelooss ginn?

Mat déiwem Respekt,



www.piraten.lu



GOERGEN Marc
Deputéierten



POLIDORI Ben
Deputéierten

